



孔子家語
 卷之十
 全

十一

又 9
 4503
 5 止



又 4508 卷 5 止

孔子家語卷第九

去五均平藏

七十二第子解第三十八

山州伏見 龍雲寺藏

顏回魯人字子淵少孔子三十歲年二十九而

髮白三十一早死此書久遠年數錯謬未可詳

六十一此謂顏回先伯魚五十一先孔子卒云云時孔子且

七十此謂顏回先伯魚死而論語云顏回死以顏

也路請子之車以爲槨或曰槨子曰雖孔子曰自吾有

回門人日益親能使門人益親夫子曰回以德

著名孔子稱其仁焉

閔損魯人字子騫少孔子十五歲以德



夫子稱其孝焉。

冉耕魯人字伯牛。以德行著名。有惡疾。孔子曰：命也夫。

冉雍字仲弓。伯牛之宗族。生於不肖之父。以德行著名也。

宰予字子我。魯人。有口才。以言語著名。仕齊為臨菑大夫。與田常為亂。夷其三族。孔子耻之。曰：不在利病。其在宰予。言宰予為病利。

端木賜字子貢。衛人。少孔子三十一歲。有口才。

著名。孔子每誦其辨。家富累千金。常結駟連騎。以造原憲。居高廬蓬戶之中。與之言先王之

義。原憲衣弊衣冠。并日蔬食。既蔬食并日而後食也。衍然

有自得之志。子貢曰：甚矣子何如之病也。原憲曰：吾聞無財者為之貧。學道不能行者為之病。

吾貧也。非病也。子貢慙。終身耻其言之過。子貢好販。與時轉貨。販發舉買賤賣貴隨時轉化以殖其貨者也。歷相魯

衛而終於齊。

冉求字子有。仲弓之宗族。少孔子二十九歲。有

才藝以政事著名仕為季氏宰進則理其官職退則受教聖師為性多謙退故孔子曰求也退故進之

仲由卅人也字子路一字季路少孔子九歲有勇力才藝以政事著名為人果烈而剛直性鄙而不達於變通仕衛為大夫遇蒯瞶與其子輒爭國子路遂死輒難孔子痛之曰自吾有由而惡言不入於耳子路孔子禦侮之交惡言不入於耳夫子之耳○蒯苦怪反瞶五怪反言偃魯人字子游少孔子三十五歲特習於

禮以文學著名仕為武城宰嘗從孔子適衛與將軍之子蘭相善使之受學於夫子

商衛人字子夏少孔子四十四歲習於詩能誦其義子夏所叙詩義今之毛詩序是以文學著名為人性不弘好論精微時人無以尚之嘗返衛見讀史志者云晉師伐秦三豕渡河子夏曰非也已亥耳カイシ讀史志曰問諸晉史果曰已亥於是衛以子夏為聖孔子卒後教於西河之上魏文侯師事之而諮國政焉

顓孫師陳人字子張少孔子四十八歲為人有
容貌資質寬冲博接從容自務居不務立於仁
義之行子張不侮寡性寬冲故子貢以
為未仁然不務立仁義之行故子貢激
之以為孔子門人友之而弗敬

曾參南武城人字子輿少孔子四十六歲志存
孝道故孔子因之以作孝經齊嘗聘欲與為卿
而不就曰吾父母老食人之祿則憂入之事故
吾不忍遠親而為人役參後母遇之無恩而供
養不衰及其妻以藜蒸不熟因出之人曰非七

出也參曰藜蒸小物耳吾欲使熟而不用吾命
况大事乎遂出之終身不取妻其子元請焉告
其子曰高宗以後妻殺孝已尹吉甫以後妻放
伯奇吾上不及高宗中不比吉甫庸知其得免
於非乎

澹臺滅明武城人字子羽少孔子四十九歲有
君子之姿孔子嘗以容貌望其才之不充孔
子之望然其為人公正無私以取與去就
為名仕魯為大夫也

高柴齊人。高氏之別族。字子羔。少孔子四十歲。長不過六尺。壯貌甚惡。為人篤孝。而有法。正少居魯。見知於孔子之門。仕為武城宰。

宓不齊魯人。字子賤。少孔子四十九歲。仕為單父宰。有才智仁愛。百姓不忍欺。孔子大之。

樊須魯人。字子遲。少孔子四十六歲。弱仕於季氏。

有若魯人。字子有。少孔子三十六歲。為人強識好古。道也。

公西赤魯人。字子華。少孔子四十二歲。束帶立朝。閑賓主之義。

原憲宋人。字子思。少孔子三十六歲。清靜守節。貧而樂道。孔子為魯司寇。原憲嘗為孔子宰。孔子卒後。原憲退隱居干衛。

公冶長魯人。字子長。為人能忍耻。孔子以女妻之。

南宮鞅魯人。字子容。以智自將。世清不廢。世濁不濟。孔子以兄子妻之。

公折衷齊人字季沉鄙天下多仕於大夫家者
是故未嘗屈節人臣孔子特歎貴之

曾點曾參父字子皙疾時禮教不行欲修之孔
子善焉論語所謂浴乎沂風乎舞雩之下

顏由顏回父字季路孔子始教學於闕里而受
學少孔子六歲

商瞿魯人字子木少孔子二十九歲特好易孔
子傳之志焉

漆雕開蔡人字子若少孔子十一歲習尚書不
樂仕孔子曰子之齒可以仕矣時將過子若報

其書曰吾斯之未能信言未能明此書意孔子悅焉
公良儒陳人字子正賢而有勇孔子周行常以

家車五乘從
秦商魯人字不慈少孔子四歲其父堇音與

孔子父叔梁紇俱力聞
顏刻魯人字子驕少孔子五十歲孔子適衛子

驕為僕衛靈公與夫人南子同車出而令宦者
雍梁參乘使孔子為次乘遊過市孔子耻之顏

雍梁參乘使孔子為次乘遊過市孔子耻之顏

刻曰。夫子何耻之。孔子曰。詩云。覯爾新婚。以慰我心。乃歎曰。吾未見好德如好色者也。
司馬黎耕。宋人字子牛。為性踈。好言語。見兄桓魋行惡。牛常憂之。

巫馬期。陳人字子期。少孔子三十歲。孔子將近行。命從者皆持蓋。已而果雨。巫馬期問曰。且無雲。既日出。而夫子命持雨具。敢問何以知之。孔子曰。昨莫月宿畢。詩不云乎。月離於畢。俾滂沛矣。以此知之。

梁鱣。齊人字叔魚。少孔子三十九歲。年三十未
有子。欲出其妻。商瞿謂曰。子未也。昔吾年三十
八無子。吾母為吾更取室。夫子使吾之齊。母欲
請出吾。夫子曰。無憂也。瞿過四十。當有五大夫
。今果然。吾恐子自懷生耳。未必妻之。過從之二
年而有子。

琴牢。衛人字子開。一字張。與宗魯友。聞宗魯死。欲往弔焉。孔子弗許。曰。非義也。
冉孺。魯人字子魚。少孔子五十歲。

顏幸魯人字子柳少孔子四十六歲

伯慶字指少孔子五十歲

公孫寵衛人字子石少孔子五十三歲

曹卹少孔子五十歲

陳亢陳人字子亢一字子禽少孔子四十歲

叔仲會魯人字子期少孔子五十歲與孔珣年

相比每孺子之執筆記事於夫子二人迭侍左

右孟武伯見孔子而問曰此二孺子之幼也於

學豈能識於壯哉孔子曰然少成則若性也習

慣若自然也

秦祖字子南

奚蒧字子偕

公祖茲字子之

廉絜字子曹

公西與字子上

宰父黑字子黑

公西減字子尚

穰駟赤字子從

冉季字子產

薛邦字子從

石處字里之

懸直字子象

龙郢字子衍

狄黑字括之

商澤字子秀

任不齊字子選

榮祈字子祺

顏噲字子毅

原桃字子藉

公肩字子仲

秦非字子之

漆雕從字子文

燕級字子思

公夏守字子乘

勾井疆

步叔乘字子車

石作蜀字子明

邾選字子飲

施之常

申績字子周

樂欣字子毅

顏之僕字子叔

孔弗字子蔑孔子弟

漆雕侈字子斂

懸成字子橫

顏相字子襄

右件夫子七十二人弟子皆升堂入室者

本姓解第三十九

孔子之先宋之後也。微子啓帝乙之元子。紂之庶兄。以圻內諸侯入為王卿士。微國名。子爵。初武王剋殷。封紂之子武庚於朝歌。使奉湯祀。武王崩而與管蔡霍三叔作難。周公相成王東征之。二年罪人斯得。乃命微子於殷後。作微子之命。由之與國于宋。後殷之子孫唯微子先往仕。

周故封之賢其弟曰仲思名衍或名泄嗣微之
 後故號微仲生宋公稽曹子雖遷爵易位而班
 級不及其故者得以故官為稱故二微雖為宋
 公而猶以微之號自終至于稽乃稱公焉宋公
 生丁公申々公生緡公共及襄公熙々生弗父
 何及厲公方祀々々以下世為宋卿弗父何生
 宋父周々生世子勝々生正考甫考甫生孔父
 嘉五世親盡別為公族故後以孔為氏焉
 一曰孔父者生時取賜號也是以子孫遂以氏

族孔甫生子木金父金父生畢夷々々生防叔
 避華氏之禍而奔魯方叔生伯夏伯夏生叔梁
 紇曰雖有九女是無子其妾生孟皮孟皮一字
 伯尼有足病於是乃求婚於顏氏顏氏有三女
 其小曰徵在顏父問三女曰陬大夫雖父祖為
 士然其先聖王之裔今其人身長十尺武力絕
 倫吾甚貪之雖年性嚴不足為疑三子孰能為
 之妻二女莫對徵在進曰從父所制將何問焉
 父曰即尔能矣遂以妻之徵在既往廟見以夫

之年大懼不時有男而私禱尼丘之山以祈焉
生孔子故名丘字仲尼孔子三歲而叔梁紇卒
葬於防至十九娶于宋之開官氏一歲而生伯
魚魚之生也魯昭公以鯉魚賜孔子榮君之貺
故因以名曰鯉而字伯魚年五十先孔子卒
齊太史子與適魯見孔子孔子與之言道子與
悅曰吾鄙人也聞子之名不覩子之形久矣而
未知之寶貴也乃今而後知泰山之為高淵海
之為大惜乎夫子之不逢明王道德不加于民

而將垂寶以貽後世遂退而謂南宮敬叔曰今
孔子先聖之嗣自弗父何以來世有德讓天所
祚也成湯以武德王天下其配在文殷宗以下
未始有也孔子生於襄周先王典籍錯亂無紀
而乃論百家之遺記考正其義祖述堯舜憲章
文武刪詩述書定禮理樂制作春秋讚明易道
垂訓後嗣以為法式其文德著矣然凡所教誨
束脩已上三千餘人或者天將欲與素王之乎
夫何其盛也敬叔曰殆如吾子之言夫物莫能

兩大吾聞聖人之後而非繼世之統其必有興者焉。今夫子之道至矣，乃將施之無窮，雖欲辭天之祚，故未得耳。子貢聞之，以子之言告孔子。子曰：「豈若是哉！亂而治之，滯而起之，自吾志天何與焉。」

終記解第四十

孔子蚤晨作，起負手曳杖，逍遙於門而歌曰：「泰山其頽乎！梁木其壞乎！哲人其萎乎！」既歌而入，當戶而坐。子貢聞之曰：「泰山其頽，

則吾將安仰？梁木其壞，吾將安杖？哲人其萎，吾將安放？」夫子殆將病也。遂趨而入。夫子歎而言曰：「賜，汝來何遲？予疇昔夢坐奠於兩楹之間，殯於東階之上，則猶在阼；殷人殯於兩楹之間，即與殯主夾之，殯於西階之上，則猶賓之而立也。即殷人夫明王不興，則天下其孰能宗余？余言終其有命，傷道之不行也。余逮將死，遂寢病七日而終。時年七十二矣。哀公誅曰：『昊天不弔，不』

愁遺一老孔子善也。愁願且。○愁魚僅反。俾屏余一人以

在位。勞々余在疚。於乎哀哉。尼父無自律。於

夫子有言曰。禮失則昏。名失則僇。失志為昏。失

所為僇。生不能用。死而誅之。非禮也。稱一人非

名一人天子。稱也。君兩失之矣。既卒。門人疑所服。夫

子者。子貢曰。昔夫子之喪。顏回也。若喪其子而

無服。喪子路亦然。今請喪夫子如喪父而無服。

於是弟子皆吊服而加麻。出有所之。則由經子

夏曰。入宜經。可居。出則不經。子游曰。吾聞諸夫

子。喪朋友。居則經。出則否。喪所尊。雖經而出。可

也。孔子之喪。公西掌殯。墓焉。哈以踈米三負。踈米。禮記曰。緇曰嘉。襲衣十有一稱。加朝服一冠。

章甫之冠。珮象環。徑五寸。而緝組。綬緝。雜也。組。緝。以繫。

環。家。○緝。巨箕。桐棺四寸。柏棺五寸。飭廟。置

設披。周也。設崇殷也。綢練。設旒夏也。引。推。行。來。崇。

踈。練。廣。元。長。尋。曰。旒也。○髮。於。墓。乘。車。所。建。也。

兼用三王禮。所以尊師。且備古也。葬於魯城北

兼用三王禮。所以尊師。且備古也。葬於魯城北

泗水上截入地不及泉而封為偃斧之形高四尺樹松柏為志焉弟子皆家于墓行心喪之禮既葬有自燕來觀者舍於子夏氏子貢謂之曰吾亦人之葬聖人非聖人之葬入子奚觀焉昔夫子言曰見吾封若夏屋者夏屋今殿形中見若斧矣從若斧者也上推登之也馬鬣封之謂也俗問之名○鬣今徒一日三斬板而以封蓋也乃蒸反又作鬣今徒一日三斬板而以封蓋也廣二尺長六尺斬板謂斬其也尚行夫子之志而縮三斬上傍殺蓋高四尺也尚何觀乎哉二三子三年喪畢或留或去惟已尚何觀乎哉二三子三年喪畢或留或去惟已

子貢廬於墓六年自後群弟子及魯人處於墓如家者百有餘家因名其居曰孔里焉

正論解第四十一

孔子在齊齊國侯出田田獵招虞人以旌不進虞人掌山澤之官也公使執之對曰昔先君之田也旌以招大夫弓以招士皮冠以招虞人臣不見皮冠故不敢進乃舍之孔子聞之曰善哉守道不如守官道為恭敬之道見君召便往守官非守召不以往也君子驪之是驪齊國師伐魯齊國師季康子使冉求率左師禦之焚遲為

右非不能也。不信子。言季孫德不素也。請三刻而踰之。刻而踰滿也。如之衆從之。師入齊軍。各々遁。道。冉有用戈故能入焉。孔子聞之曰。義也。能於義既戰。季孫謂冉有曰。子之於戰學之乎。性達之乎。對曰。學之。季孫曰。從事孔子惡乎學。冉有曰。即學之孔子也。夫孔子者大聖無不該也。文武並用兼通求也。適聞其戰法猶未之詳也。季孫悅。焚遲以告孔子。孔子曰。季孫於是乎可謂悅人之有能矣。

南容說仲孫何忌既除喪而昭公在外時為季孫所逐。未之命也。未命二人。人為卿大夫。定公即位乃命之。卒曰先臣有遺命焉。而屬其子。使事孔子。曰。夫禮人之幹也。非禮則無以立。囑家老使命。二臣必事孔子而學禮以定其位。公許之。二子學於孔子。孔子曰。能補過者君子也。詩云。君子是則是效。孟僖子可則效矣。僖已所病以誨其嗣。大雅所謂詒厥孫謀以宴翼子。是類也。夫遺也。燕安也。翼敬也。言遺其子孫加謀學安敬之道也。衛孫文子得罪於獻

公居戚文子衛孫於父。公卒未葬。文子擊鐘焉。

延陵季子吳公適晉。過戚聞之曰：異哉！夫子之

在此，猶燕子巢于幕也。燕巢于幕也。懼猶未也。又

何樂焉？君又在殯，可乎？文子於是終身不聽琴。

瑟。孔子聞之曰：季子能以義正人。文子能克己

服，義可謂善改矣。孔子覽晉志史記，晉趙穿

殺靈公從弟也。趙盾亡未及山而還。山，晉之史書

趙盾弑君，盾曰：不然。史曰：子為正卿，亡不出境，

返不討賊，非子而誰？盾曰：嗚呼！我之懷矣，自詒

伊戚。其我之謂乎？孔子歎曰：董狐，古之良史也。

書法不隱。趙宣子，古之良大夫也。為法受惡，惜

也。越境乃免。越境，以免於

鄭伐陳，入之。使子產獻捷于晉。晉人問陳之罪

焉。子產對曰：陳亡，周之大德。武王以元女大姬

陳豕恃楚，廢大馮陵，弊邑是以有徃年之告。告

為陳未獲命。陳之成命，則又有東門之從。與楚

東門也。當陳隧者，井陘木刊。陳人懼，弊邑大

懼。天誘其衷。誘，道也。表善也。天導者，也。啓弊邑心，知其

家語卷九

罪授首於我用敢獻功。晉人曰：何故侵小？對曰：先王之命，惟罪所在，各致其辟。且昔天子一圻，列國一同。地方百里，曰一圻。自是以衰，周之制也。大國方百里，從是以以爲差。伯方七十里，子男五十里。周之制也。而說學者，者以周大國方七百里矣。失之矣。今大國多數圻矣。若無侵小，何以至焉？晉人曰：其辟順。孔子聞之，謂子貢曰：志有之。古也。言以足志，成其志。文以足言，成其言。不言誰知其志？言之無文，行之不遠。有言而無文，章雖行，遠也。晉爲伯，鄭入陳，非文，辟不爲功。小子慎哉。

楚靈王汰侈。驕汰。奢侈。右尹子革侍坐。子革，蒍臧也。

左史倚相趨而過王，曰：是良史也。子善視之。是

能讀三墳五典八索九丘。三墳，三皇之書。五典，五帝之典。八索，八索之法。

丘，各國聚也。對曰：夫良史者，記君之過，揚君之善，而

此子以潤辭爲官，不可爲良史。曰：臣又乃嘗聞

焉。昔周穆王欲肆其心，極將過行，天下使皆有

車轍馬並迹焉。祭公謀父作祈昭，祈昭，詩名。猶

齊景公作君臣相說之樂。蓋曰：徵以止王心。止

昭，角招是也。昭，寫爲招耳。補作昭以止王心。王逸遊。王是以獲沒於祗宮。臣聞其詩焉，而弗知

若問遠焉其焉能知王曰子能乎對曰能其詩

曰祈昭之惜々乎式昭德音祈德惜情言祈昭樂之安和其法足

以昭其德思我王度式如玉式如金思王之法音者也

刑民之力而無有醉飽之心純美詩云琢玉其相刑民之力而無有醉飽之心

食寢不寐數日則固不能勝其情以及於難孔

子讀其志曰古者有志克已復禮為仁禮則為仁也能勝言

於乾谿靈王起章華之臺於乾谿子革之非花史

所以風也稱詩以諫順哉

叔孫穆子避難奔齊穆子叔孫豹其兄僑如宿

於庚宗之邑庚宗寡婦通焉而生牛名穆子返

魯以牛為內豎豎通內命相家長遂命牛譏叔孫

二人殺之叔孫有病牛不通其饋不食而死牛

遂輔叔孫庶子昭而立之孫穆子昭昭子既立朝其

家衆曰豎牛禍叔孫氏使亂大從順殺適立庶

又被其邑以求舍罪牛取叔氏部罪莫大焉

必速殺之遂殺豎牛孔子曰叔孫昭子之不勞

勞功也。不以立已為功。不可能也。周任有言曰。之賢人。為政者不賞私勞。不罰私怨。詩云。有覺德行。四國順之。直。昭子有焉。

晉邢侯與雍子爭田。叔魚攝理。叔魚。叔向弟。罪在雍子。々々納其女於叔魚。々々弊獄刑侯。刑侯。偏罪侯。邢侯怒殺叔魚與雍子於朝。韓宣子問罪於叔向。叔向曰。三奸同罪。施生戮死。可也。施行生者之罪也。雍子自知其罪而賂以買直。鮒也。鬻獄。邢侯專殺其罪一也。已惡而

掠羨為昏。而掠取善昏亂也。已惡貪以敗官為默。貪。猶見苟。殺人不忘為賊。忘。夏書曰。昏默賊殺。夏書。夏家之書。三。咎陶之刑也。請從之。乃施邢侯而尸。雍子叔魚於市。孔子曰。叔向古之遺直也。治國制刑。不隱於親。三數叔魚之罪。不為末。末。或曰。義。或作威也。可謂直矣。平丘之會。數直賄也。以寬衛國。晉不為暴。諸侯會于平丘。晉人。漁賂叔向。而禁之。叔歸魯。季孫稱其詐也。以寬魯國。晉不為虐。季孫。季孫見執。於晉。人歸之。

家語卷九 十九

能歸之。叔魚說季刑侯之獄言其貪也以正刑
書晉不為頗。頗三言而除三惡。加三利。暴殺魯殺三
罪去三惡。殺親益榮由義也夫。

鄭有卿校。鄉之學校卿校之士非論執政。黻明欲毀
鄉校。黻明明子產曰何以毀為也夫人朝夕退而
遊焉。以議執政之善否。其所善者吾則行之。其
所否者吾則改之。若之何其毀也。我聞忠言以
損怨。不聞立威以防怨。猶防水也。大決所
犯傷人必多。吾弗克救也。不如小決使導之。不

如吾所聞而藥之。藥治也孔子聞是言也曰吾以
是觀之人謂子產不仁吾不信也。

晉平公會諸侯于平丘。齊侯及盟。鄭子產爭貢
賦之所兼。所承之曰昔日天子班貢輕重以列

尊卑。貢周之制也。卑而貢重者甸服。甸服之內與圻
外諸侯異。鄭伯男南也。而使從公侯之貢。南左
故貢重也。鄭伯男南也。而使從公侯之貢。南左
男古字。作南亦多有作此。懼弗給也。敢以為請。
南連言之。猶言公侯也。

自日中爭之。以至于昏。晉人許之。孔子曰子產
於是行也。是以為國基也。詩云樂只君子邦家

之基也。子產君子之於樂者，則能為國之本。且曰：合諸侯而藝貢事禮也。藝，分別貢獻之事也。鄭子產有疾，謂子太叔曰：我死，子必為政。唯有德者，能以寬服民。其次莫如猛。夫火烈，民望而畏之，故鮮死焉。水濡弱，民狎而翫之，翫，易也。則多死焉。故寬難，子產卒，子太叔為政，不忍猛而寬，鄭國多掠盜。掠，抄也。太叔悔之曰：吾早從夫子，必不及此。孔子聞之曰：善哉！政寬則民慢，慢，怠也。則亂於猛，亂，猶也。猛則殘，殘，猛政也。民殘則施之以寬，施，與也。以濟猛，濟，救也。以濟寬，濟，救也。

寬猛相濟，政是以和。詩曰：民亦勞止，汙可小康。汙，危也。勞，勞也。人病，汙也。汙，小變也。故以安也。惠此中國，以綏四方。施之以寬，毋縱詭隨。詭，人隨人，遺也。隨，小惡者也。以謹無良，謹，小也。以，以也。式遏寇虐，式，法也。遏，止也。寇，賊也。虐，暴也。慘不畏明。慘，曾也。當用遏止，為寇虐之人也。曾，不畏天，之明道者。言，亂之以猛也。柔遠能邇，言，能安遠近也。以定我王。王，以定也。安，安也。又曰：不競不綌，不剛不柔。得，得也。綌，和也。布政優_々，百祿是道。優，優也。和，和也。道，道也。和之至也。子產之卒也，孔子聞之，出涕曰：古之遺愛，孔子適齊，過泰山之側，有婦人哭於野，者向哀夫。

子或而聽之曰此哀一似重有憂者使子貢往
問之而曰昔舅死於虎吾夫又死焉今吾子又
死焉子貢曰何不去乎婦人曰無苛政子貢以
告孔子子曰小子識之苛政猛於暴虎

晉魏獻子為政魏舒分祁氏及羊舌氏之田苟
櫟滅晉大夫析氏羊舌氏故獻子分其地以賞諸大夫及其子成
皆以賢舉也又將賈辛曰今汝有力於王室吾
是以舉汝賈辛師師救周之亂行乎敬之哉毋墮乃
力孔子聞之曰魏子之舉也近不失親而舉也

遠不失舉不以遠可謂美矣又聞其命賈辛以
為忠詩云求言配命自求多福忠也言我文王

配天命而行庶國亦當求多福以多福忠也魏子之舉也義其命也
忠其長有後於晉國乎

趙簡子賦晉國一鼓鐘謂之石四謂之鈞四謂之鼓以
鑄刑鼎著范宣子所為刑書范宣子刑書著鼎也

孔子曰晉其亡乎失其度矣夫晉國將守唐叔
之所受法度唐叔成王母弟始封於晉者也以經緯其民者也
經緯文也卿大夫以序守之序也民是以能遵

其道而守其業。貴賤不僣，所謂度也。文公是以
作執秩之官，為被廬之法。晉國也。以為盟主。今弃此度也。而為刑鼎。銘在鼎
法也。以為盟主。今弃此度也。而為刑鼎。銘在鼎
矣。何以尊貴？民將弃禮而徵於上。於也。何業之守也。不
奉。上則上。貴賤無序。何以為國。且失宣子之刑
夷之蒐也。晉國亂制。夷蒐之時。變易軍師。陽唐
也。若之何其為法乎。

楚昭王有疾。卜曰：河神為崇。王弗祭。大夫請祭
諸郊。王曰：三代命祀，祭不越望。天子望祀天。地
諸侯祀境內。故

是過乎。不穀雖不德，河非所獲罪也。遂不祭。孔

子曰：楚昭王知大道矣。不越祀也。其不失國也

宜哉。楚為吳所滅。昭王出奔，已復國者也。夏書曰：維彼陶唐，率彼

天常。陶唐，堯率循。循，天常。天之常道也。在此，異方為異。今失厥道，

亂其紀綱，乃滅而亡。亂其紀綱，乃滅而亡。又曰：允出茲在茲。由

已率常可矣。言善惡各有類。信出此則則衛孔文

子使太叔疾出其妻，而以其女妻之。初疾娶於
疾，其妻而已。疾誘其初妻之娣為之立

歸孽子，出女子使疾，其妻而已。疾誘其初妻之娣為之立

宮與文子如二妻之禮文子怒將攻之

孔子舍璪伯玉之家文子就而訪焉孔子曰簠

簋之事則嘗聞學之矣兵申之事未之聞也退

而命駕而行曰鳥則擇木豈能擇鳥乎文子

遽自止之曰圍也豈敢度其私哉謀亦訪衛國

之難也將止會季康子問冉求之戰冉求既對

之又曰夫子播之百姓質諸鬼神而無憾根用

之則有名康子言於哀公以弊迎孔子曰人之

於冉求信之矣將大用之

齊陳恒弑其君簡公孔子聞之三曰沐浴而適

朝告於哀公曰陳恒弑其君請伐之公弗許三

請公曰魯為齊弱又矣子之伐也將若之何對

曰陳恒弑其君民之不與者半以魯之衆加齊

之半可克也公曰子告季氏孔子辭季氏不告退而

告人曰以吾從大夫之後吾不敢不告也

子張問曰書云高宗三年不言乃雍有諸雍

乃雍雍和有諸也孔子曰胡為其不然也古者天

子崩則世子委政於冢宰三年成湯既沒木甲

聽於伊尹木甲。武王既喪成王，聽於周公。其義

一也。衛孫桓子侵齊，遇敗焉。桓子，孫良夫也。侵，

也。敗，所敗也。齊人乘之，執新築大夫仲叔于奚，以其衆

救桓子。桓子乃免，衛人以邑賞仲叔于奚。々々

辭請曲懸之樂。諸侯軒懸，々々，闕二一面。繁纓以

朝。馬纓，當應以索羣。御，以黃金爲飾也。許之。書在三官。司徒、書、馬。書，名。同。馬，書。服。

同。在。書。勲也。

子路仕衛，見其故，以訪孔子。孔子曰：「惜也不如。」

多與之邑。惟器與名不可以假人。器，禮樂。以器

君之所司。名以出信，々々以守器，々々以藏禮。有器

然，後得行其禮。故曰：器以藏禮。禮以行義，義以生利，々々以平民。

政之大節也。若以假人，與人與入政也。政亡則國家

從不可止也。

公父文伯之母。文伯，母也。敬，美也。紡績不解，文伯諫焉。其

母曰：「古者王后親織玄紵。」紵，冠也。下取反。公侯之

夫人加之，紵紵。紵，屬也。而上者謂之紵。紵，冠之上。紵，爲萌反。紵，余戰余旃。

二卿之內爲大帶。卿，內子也。命婦成祭服。大夫之

列士之妻，加之，以朝服。自庶士已下，各衣其

夫秋而成事男而獻功女而勤春秋而勤歲事男

女紡績懋則有辟績功也聖王之制也今我寡

也余又在位朝夕恪勤猶恐忘先人之業况有

怠惰其何以避辟孔子聞之曰弟子志之季氏

之婦可謂不過矣樊遲問於孔子曰鮑牽事

齊君執政不撓可謂忠矣齊慶剋通於夫人鮑

々々召慶剋而讓之慶剋召夫人去守選將及至明子

閻乎孔子曰古之士者國有道則盡忠以輔之

國無道則退身以避之今鮑疾子食於滎亂之

朝不量主之明暗以受大刑是智之不如葵々

猶能衛其足故曰衛其足也

季康子欲以二井由出法賦焉使訪孔子子曰

丘弗識也冉有三發卒曰子為國老待子而行

若之何子之不言孔子不對而私於冉求曰求

汝來汝弗聞乎先王制土藉田以力籍田有以治

也公田而底其遠近俱平其遠近賦里以入而

量其有無里八廛里十稅度其有任力以夫而議

也無以爲多少之人也

其老幼其力作度之事丁夫任於是瘵寡孤疾老
 者軍旅之出則徵之無則已於軍旅之役則鰥寡孤疾或有所共
 無軍事則止之其歲收田一井出獲禾秉缶米芻藁不
 是過其歲軍旅之歲一把曰秉四秉因稜德連
 先王以為之足君子之行必度於禮施取其厚
施以厚事舉其中為節斂從其薄若是其已
 丘亦足矣丘十不度於禮而貪冒無厭則雖賦
 田將有不足且子孫若以行之而取法則有周
 公之典在若欲犯法則苟行之又何訪焉

孔子家語卷第十

曲禮子貢問第四十二

子貢問於孔子曰晉文公實召天子而使諸侯
 朝焉且使狩於河陽因使諸侯朝夫子作春秋
 云天王狩于河陽何也孔子曰以臣召君不可
 以訓亦書其率諸侯事天子而已孔子在宋見
 相魋自為石椁三年而不成工匠皆病夫子愀
 然曰若是其靡也斃死不如朽之速愈冉子僕
 曰禮凶事不豫此何謂也夫子曰既死而議謚

謚定而卜葬既葬而立廟皆臣子之事非所豫
屬也况自為之哉南宮敬叔以富得罪於定公
奔衛々侯請復之載其實以朝夫子聞之曰若
是其貨也喪不若速貪之愈喪也子游侍曰敢
問何謂如此孔子曰富而不好禮殃也敬叔以
富喪矣而又弗改吾懼其將有後患也敬叔聞
之驟如孔氏而後循禮施散焉

孔子在齊々大旱春飢景公問於孔子曰如之
何孔子曰凶年則乘駑馬力役不興馳道不修

馳道君所祈請用幣
行之道祈以幣玉及玉不用牲也祭祀不懸作
樂也祀以下牲當用大牢此賢君自貶以救民之
禮也

孔子適季氏康子晝居內寢孔子問其所疾康
子出見之言然孔子退子貢問曰季孫不疾而
問諸疾禮與孔子曰夫禮君子不有大故則不
宿於外非致齋也非疾也則不晝處於內是故
夜居外雖吊之可也晝居於內雖問其疾可也
孔子為大司寇國廡焚子退朝而之火所鄉人

有自為火來者則拜之。士一大夫，再子貢曰：敢問何也？孔子曰：其來者亦相吊之道也。吾為有同故拜之。子貢問曰：管仲失於奢，晏子失於儉，與其俱失矣。二者孰賢？孔子曰：管仲鏤簋而朱紘，鏤刻而飾之。朱，旅樹而反坫。天子外屏，諸侯內屏，反坫在兩楹之間。人君好會，獻酢禮畢，反爵於其上。山節藻梲，列為山雲，稅梁上楹也。賢大夫也。而難為上。晏平仲祀其先祖，而豚肩不揜豆。侖，陋矣。一狐裘三十年。賢大夫也。而難為下。君子上不僭下，下不僭上。

冉求曰：昔文仲知魯國之政，立言垂法于今，不亡，可謂知禮矣。孔子曰：昔臧文仲安知禮？夏父弗綦，逆祀而不止。燔柴於竈以祀焉。夫竈者，老婦之所祭。謂冬祭竈，報其功也。老婦，主祭也。盛於瓮，尊於瓶，非所柴也。故曰：禮也者，由體也。體不備，謂之不成。人設之，不當，猶不備也。

子路問於孔子曰：臧武仲率師與邾人戰，干狐貍，遇敗焉。師人多喪，而無罰。古之道，然與？孔子曰：凡謀人之軍師，敗則死之。謀人之國，邑危則

亡之古之正也。其君在焉者，有詔則無討。詔君教也。有君教，則臣無討。

晉將伐宋，使入覘之。也。觀也。宋陽門之介夫死，陽門，宋城

門也。介夫，被甲衛門者。同城子罕哭之哀，覘之及言於晉

侯曰：陽門之介夫死，而子罕哭之哀，民咸悅。宋

殆未可伐也。孔子聞之曰：善哉！覘國乎？詩云：凡

民有喪，匍匐救之。子罕有焉，雖非晉國，其天下

孰能當之？言雖非晉國，使天下有強者，猶不能當也。是以周任有言

曰：民悅其愛者，弗可敵也。

楚伐吳，平尹商陽與陳弃疾追吳師，及之。弃疾

曰：王事也。子手弓而可，商陽手弓，弃疾曰：子射

諸射之弊，一人韞其弓，韞，又及弃疾又及，弃疾

回謂之弊，二人每弊一人，輒掩其目，止其御曰：

吾朝不坐，燕不與。故也。殺三人，亦足以反命矣。

孔子聞之曰：殺入之中，又有禮焉。子路怫然進

曰：人臣之節當君大事，唯力所及，死而後已。夫

子何善此？子曰：然如汝言也。吾取其有不忍殺

人之心而已。

孔子在衛司徒敬之卒夫子吊焉主人不哀夫
 子哭不盡聲而退環伯玉請曰衛鄙俗不習喪
 禮煩吾子辱相焉孔子許之掘中霤而浴室中霤
 反力救反毀竈而綴足襲於牀及葬毀宗而躅行也
 明不復有事於此也綴足不欲令下解一疾出于大
 長毀宗廟而出行神位在廟門之外也
 門及墓男子西面婦人東面既封而歸殷道也
 孔子行之子游問曰君子行禮不求變俗夫子
 變之矣孔子曰非此之謂也喪事則從其質而
 已矣

宣公八年六月辛巳有事于太廟而東門襄仲
 卒壬午猶繹繹祭也子游見其故以問孔子
 曰禮與孔子曰非禮也卿卒不繹
 季桓子喪康子練而無衰子游問於孔子曰既
 服練服可以除衰乎孔子曰無衰衣者不以見
 賓何以除焉
 邾人以同母異父之昆弟死將為之服因顏克
 而問禮於孔子子曰繼父同居者則異父昆弟
 從為之服不同居繼父且猶不服况其子乎

齊師侵魯公叔務人昭公之遇人入保負杖而
息見先避入齊師將入保疲倦加杖頸上務人
泣曰使之雖病謂時任之雖重謂時君子弗能
謀士弗能死不可也我則既言之矣敢不勉乎
與其鄰嬖童汪錡乘往奔敵死焉皆殯魯人欲
勿殤童汪錡問於孔子曰能執干戈以衛社稷
可無殤乎

魯昭公夫人吳孟子卒不赴于諸侯孔子既致
仕而往弔焉適于季氏不經孔子投經而
不拜以季氏無故子游問曰禮與孔子曰主人
未成服則弔者不經焉禮也

公父穆伯之喪敬姜晝哭文伯之喪晝夜哭孔
子曰季氏之婦可謂知禮矣愛而無上下有章
上謂夫下謂子也章別也哭夫晝哭南宮縚之
妻孔子兄之女喪其姑而誨之髻曰尔毋從々
尔毋扈々尔從々高也扈々大也爾言喪者無蓋
棒以為笄長尺而總八寸總束髮之總八寸也
子張有父之喪公明儀相焉問啓籛於孔子孔

子曰拜而後啓顙顙乎其順啓顙而後拜顙乎其至也三年之喪吾從其至也

孔子在衛々之人有送葬者而夫子觀之曰善哉為喪乎足以為法也小子識之子貢問曰夫子何善介其往也如慕其返也如疑子貢曰豈若速返而虞哉謂之虞也祭也子曰此情之至者也小子識之我未之能也

卜人有母死而孺子之泣者孔子曰哀則哀矣而難繼也夫禮為可傳也為可繼也故哭踊有節而變除有期

孟獻子禫賂而不樂可御而處內子游問於孔子曰若是則過禮也孔子曰獻子可謂加於人一等矣

魯人有朝祥而暮歌者子路笑之孔子曰由余責於人終無已夫三年之喪亦以久矣子路出孔子曰又多乎哉又獲也言其可踰月則其善以歌不復久也子路問於孔子曰傷哉貪也生而無以供養死則無以為禮也孔子曰啜菽飲水盡其歡心斯

為之孝乎。斂手足，形旋葬而無槨。旋，便也。稱其財為之禮。貧何傷乎。

吳延陵季子聘于上國，適齊於其返也。其長子死於嬴博之間。嬴博，地名也。孔子聞之曰：延陵季子

吳之習於禮者也。往而觀其葬焉。其斂以時服而已。隨冬夏之其，無所加。其壙掩坎深，不至於泉。其葬無

明器之贈。既葬，其封廣輪，揜坎其高，可時隱也。既封，則季子乃龙祖，右還其封。且號者三，曰：骨肉歸于土，命也。若魂氣，則無所不之。無所不之

而遂行。孔子曰：延陵季子之於禮，其合矣。子游問喪之具。孔子曰：稱家之有亡焉。子游曰：其亡惡於齊。齊，惡何。孔子曰：有也，則無過禮苟亡矣。則斂手足，形還葬，懸棺而封。人豈有非之者哉。故夫喪亡，與其哀不足而禮有餘，不若禮不足而哀有餘也。祭禮與其敬不足而禮有餘，不若禮不足而敬有餘。伯高死於衛，赴於孔子。子曰：吾惡乎哭。諸兄弟，吾哭諸廟。父之友，吾哭諸廟門之外。師，吾哭之寢。朋友，吾哭之寢門之外。所

門之外。師，吾哭之寢。朋友，吾哭之寢門之外。所

知吾哭之諸野。今於野則已踈，於寢則已重。夫由賜也而見我，吾哭於賜氏，遂命子貢為之主。曰：為尔哭也。來者汝拜之。知伯高而來者，汝勿拜。既哭，使子張往弔焉。未至，冉求在衛，攝束帛乘馬而以將之。孔子聞之，曰：異哉！徒使我不成禮於伯高者，是冉求也。

子路有姊之喪，可以除之矣，而弗除。孔子曰：何不除也？子路曰：吾寡兄弟而弗忍也。孔子曰：行道之人皆弗忍，先王制禮過之者俯而就之，不至者企而及之。子路聞之，遂除之。伯魚之喪，母也，期而猶哭。夫子聞之，曰：誰也？門人曰：鯉也。孔子曰：嘻！其甚也。非禮也。伯魚聞之，遂除之。

衛公使其大夫求婚於季氏，桓子問禮於孔子。子曰：同姓為宗，有合族之義，故繫之以姓而弗別，綴之以食而弗殊。君有食，族人食之，雖親，雖不異之，族食多少也。雖百世婚姻不得通，周道然也。桓子曰：魯衛之先，雖寡兄弟，今已絕遠矣，可乎？孔子曰：固非禮也。夫上祖祢以尊之，下治子孫以親之，之旁治

昆弟所以教睦也。此先王不易之教也。

有若問於孔子曰：國君之於百姓，如之何？孔子

曰：皆有宗道焉。故雖國君之尊，猶百世不廢其

親，所以崇愛也。雖於族人之親，而不敢戚君所

以謙也。戚，親也。尊，敬也。君不敢如其親也。

曲禮子夏問第四十三

子夏問於孔子曰：居父母之仇，如之何？孔子曰：

寢苦枕干，不仕。干，櫛也。弗與共天下也。遇於朝市，不

返兵而鬪。兵，常也。不鬪於身也。請問居昆弟之仇，如之何？

孔子曰：仕弗與同國。御君命而使，雖遇之，不鬪。

曰：請問從昆弟之仇，如之何？曰：不為魁，主人能

報之，則執兵而陪其後。

子夏問：三年之喪，既卒哭，金革之事無避，禮與？

初，有司為之乎？有司，當也。孔子曰：夏后氏之喪，三

年既殯而致仕。殷人既葬而致事。周人既卒哭，

而致事。致事，還政於君也。卒哭，之無時也。哭，木

也。記曰：君子不奪人之親，亦不奪故也。子夏曰：

金革之事無避者，非與？孔子曰：吾聞諸老聃曰：

魯公伯禽有為之也。伯禽有母之喪東方有戎為不義伯禽為方伯
以不得之今以三年之喪從利者吾弗知也。不課之

子夏問於孔子曰記云周公相成王教之以世子之禮有諸孔子曰昔者成王嗣立幼未能蒞阼周公攝政而治抗世子之法於伯禽欲王之知父子君臣之道所以善成王也夫知為人子者然後可以為人父知為人臣者然後可以為人君知事人者然後可以使入是故抗世子法於伯禽使成王知父子君臣長幼之義焉凡君

之於世子親則父也尊則君也有父之親有君之尊然後兼天下而有之不可不慎也行一物而三善皆得唯世子齒於學之謂也世子齒於學則國人觀之曰此將君我而與我齒讓何也曰有父在則禮然也而衆知父子之道矣其二曰此將君我而與我齒讓何也曰有君在則禮然也而衆知君臣之義也其三曰此將君我而與我齒讓何也曰長也則禮然也而衆知長幼之節矣故父在斯為子君在斯為臣居子與臣

之位所以尊君而親也。在學之為父子焉，學之為君臣焉，學之為長幼焉，父子君臣長幼之道得而後國治。語曰：樂正司業，父師司成。有師父道成者一有亢良萬國以貞謂天子也世子善太子也也。世子之謂聞之曰：為人臣者，殺其身而有益於君，則為之。況于其身于寬也，以善其君子。周公優焉也。

子夏問於孔子曰：居君之母與妻之喪，如之何？孔子曰：居處言語飲衎於喪所則稱其服而

已。敢問伯母之喪，如之何？孔子曰：伯母，叔母，踰衰期而踊，不絕地。姑、姊妹之大功，踊絕於地。若知此者，由文矣哉。言如禮文意當言姑姊姊而巳姊上長姊伯姊也

子夏問於夫子曰：凡喪，小功已上，虞祔練祥之祭，皆沐浴於三年之喪，子則盡其情矣。孔子曰：豈徒祭而已哉？三年之喪，身有瘍，則浴，首有瘡，則沐，病則飲酒食肉，毀瘠而病，君子不為也。毀則死者，君子為之無子，且祭之沐浴，為齊潔也，非為飾也。

子夏問於孔子曰。客至無所舍而夫子曰。生於我乎。館。客死無所殯。夫子曰。於我乎。殯。敢問禮與。仁者之心。與。孔子曰。吾聞諸老聃曰。館人使若有之。惡有之。惡有之而不得殯乎。夫仁者制禮者也。故禮者不可不省也。禮不同不異。不豐不殺。稱其義以為之宜。故曰。我戰則克。祭則受福。蓋得其道矣。孔子食於季氏。食祭主人不辭。不食亦不飲。而食。子夏問曰。禮也。孔子曰。非禮也。從主人也。吾食於少施氏而飽。少施氏食我以禮。吾食祭作而辭曰。疏食不足祭也。吾食而作辭曰。疏食不敢以傷吾子之性。主人不以禮。客不敢盡禮。主人盡禮則客不敢不盡禮也。子夏問曰。官於大夫。既升於公而反為之服。禮與。孔子曰。管仲遇盜。盜取二人焉。上之為公。臣曰。所以遊僻者可人也。公許管仲。桓公使為之官於大夫者。為之服。自管仲始也。有君命焉。子夏問居父母喪。孔子曰。敬為上。哀次之。瘠為下。顏色稱情。戚容稱服。曰。請問居兄弟之喪。孔

子曰則存乎晝矣已

子貢問於孔子曰殷人既定而吊於壙周人反哭而吊於家如之何孔子曰反哭之吊也喪之至也反而亡矣失之矣於斯為甚故吊之死人卒事也殷以慤吾從周周殷人既練之明日而祔于祖周人既卒哭之明日祔于祖祔祭神之始事也周以戚吾從殷戚猶也

子貢問曰聞諸晏子少連大連善居喪其有異稱乎孔子曰父母之喪三日不怠三月不懈其悲哀三年憂東夷之子達於禮者也

子游問曰諸侯之世子喪慈母如母禮與孔子曰非禮也古者男子外有傳父內有慈母君命所使教子者也何服之有昔魯孝公少喪其母其慈母良及其死也公弗忍欲喪之有司曰禮國君慈母無服今也君為之服是逆古之禮而亂國法也若終行之則有司將書之以示後世無乃不可乎公曰古者天子喪慈母練冠以燕居謂無子王為其母也遂練以喪慈母亦如母始則

魯孝公之爲也。

孔子適衛遇舊館人之喪入而哭之哀出使子
貢脫駟以贈之子貢曰所於識之喪不能有所
贈於舊館不已多乎孔子曰吾向入哭之遇
一哀而出涕吾惡夫涕而無以將之小子行焉
子路問於孔子曰魯大夫練而杖禮也孔子曰
吾不知也子路出謂子貢曰吾以爲夫子無所
不知夫子亦徒有所不知也子貢曰子所問何
哉子路曰止吾將爲子問之遂趨而進曰練而

杖禮與孔子曰非禮也子貢出謂子路曰子謂
夫子而弗知之乎夫子徒無所不知也子問非
也禮居是邦則不非其大夫

叔孫武叔之母死既小斂舉尸者出戶武孫從
之出戶乃袒投其冠而括髮子路歎之孔子曰
是禮也子路問曰將小斂則變服今乃出戶而
夫子以爲知禮何也孔子曰由汝問非也君子
不舉人以貲士正也

齊晏桓子卒平仲鹿裘斬首經帶杖以菅屨食

粥居傍廬寢苦枕草其老曰非大夫喪父之禮也晏子曰唯卿大夫曾子以問孔子孔子曰晏平仲可謂能遠害矣不以已知是駁人之非辭以避咎義也夫謂者乃舉入避害之辭以辭也惟也

季平子卒將以君之璜璠斂贈以珠玉孔子初為中都宰聞之歷級而救焉歷級登階不聚足曰送而以寶玉是猶曝尸於中原也其示民以姦利之端而有害於死者安用之且孝不順情以危親

忠臣不兆姦以陷君之兆姦為姦成也乃止孔子之弟子琴張與宗友衛齊豹見宗魯於公子孟繫孟繫告宗魯使行以為參乘焉及齊豹將殺孟繫告宗魯使行宗魯曰吾由子而事之今聞難而逃是僭子也僭不信使子言不信子行事乎吾將死以事周子而歸死於公孟可也齊氏用戈擊公孟宗以背蔽之斷肱中公孟宗魯皆死琴張聞宗魯死將往吊之孔子曰齊豹之盜孟繫之賊也汝何吊焉君不食姦不受亂不為利病於回回邪也不不以利病於邪也

以回事。不蓋非義。不犯非禮。汝何吊焉。琴張乃止。

邠人子章卒。哭之呼滅。舊說以滅子蒲名。人少窮。謂亡滅也。子游曰：若是哭也，其野哉！孔子

惡野哭者。聞之遂改之。

公文文伯卒。其妻妾皆行哭。失聲。敬姜戒之曰：

吾聞好外者，士死之好；內者，女死之。今吾子早

夭，吾惡其以好內聞也。二三婦人之欲供先祀

者，言欲留不敗。燭也。請無瘠色，無揮涕，無拊膺。

不哭。流涕以手揮之。拊猶撫也。膺謂胸也。無哀容，無加服，有降服。從

禮而靜，是昭吾子也。孔子聞之曰：女智，無若婦

男智，莫若夫。公文氏之婦，智矣。剖情損禮，欲以

明其子，為令德也。

子路與子羔仕於衛。有蒯聵之難。孔子在魯，

聞之曰：柴也，其來由也死矣。既而衛使至，曰：子

路死焉。夫子哭之於中庭。有人吊者，而夫子拜

之。已哭，進使者而問故。使者曰：醢之矣。遂令左

右皆覆醢。曰：吾何忍食此。

右皆覆醢。曰：吾何忍食此。

季桓子死魯大夫朝服而弔子游問於孔子曰
 禮乎夫子不答佗日又問夫子曰死則矣羔裘
 玄冠者易之而已汝何疑焉子罕問於孔子曰
 始死之設重也何為孔子曰重主道也殷主綴
 重焉綴連也殷人作主而周人徹重焉周人作主徹重
 就所倚請問喪朝喪將葬朝於廟而後行焉子曰喪之朝也
 順死者之孝心故至於祖者廟而後行殷朝而
 後殯於祖周朝而後遂葬

孔子之守狗死謂子貢曰路馬死路馬常則截
 之以帷狗則截之以蓋汝往埋之吾聞弊帷不
 弃為埋馬也弊蓋不棄為埋狗也今吾貧無蓋
 於其封也與之蓆無使其首陷於土焉

曲禮公西赤問第四十四

公西赤問於孔子曰大夫以罪免卒其葬也如
 之何孔子曰大夫瘞其事終身不仕死則葬之
 以士禮老而致仕者死則從其列公儀仲子嫡
 子死而立其弟檀弓問子服伯子曰何居我未
 之前聞也子服伯子曰仲子亦猶行古人之道

昔者文王捨伯邑考伯邑考文王之長子也言文王亦立子而不立孫也而立武王微子捨其孫肅立其弟衍子游以聞諸孔子。孔子曰。否。周制立孫。

孔子之母既喪將合葬焉。曰。古者不祔葬。為不忍先死者之復見也。詩云。死則同穴。自周公已來祔葬矣。故衛人之祔也。離之。有以聞焉。魯人之祔也。合之。羨夫。吾從魯。遂合葬於防。曰。吾聞之。古墓而不墳。今也。東西南北之人。不可以弗識也。吾見封之若堂者矣。堂形四方高者又見若坊者矣。坊形旁殺平上而長又見履夏屋者矣。又見若斧形者矣。吾從斧者焉。於是封之崇四尺。孔子先反。虞門人後。雨甚至。墓崩。修之而歸。孔子問焉。曰。亦來何遲。對曰。防墓崩。孔子不應。三云。孔子泣然而流涕。曰。吾聞之。古不脩墓。及二十五月而大祥。五日而彈琴。不成聲。十日過禫而成笙歌。孔子大祥二月十五日禫也故十日而歌也

孔子有母之喪。既練。陽虎吊焉。私於孔子。曰。今季氏將大饗。境內之士。予問諸孔子。孔子曰。丘弗

聞也。若聞之，雖在衰絰，亦欲與往。陽虎曰：子謂不然乎？李氏鄉士不及子也。陽虎出，曾點問曰：

荅之何謂也？孔子曰：已則衰服，猶應其言，示所以不非也。孔子表服，陽虎之言犯禮，故孔

顏回死，魯定公吊焉，使人訪於孔子。孔子對曰：凡在封內，皆臣子也。禮君吊其臣，升自東階，向

尸而哭，其恩賜之施，不有筓也。○筓，燕亂反，計也。又竹器也。原思言於曾子曰：夏后氏之送葬，也用明器，示

民無知也。殷人用祭器，示民有知也。周人兼而用之，示民疑也。曾子曰：其不然矣。夫以明器鬼

器也。祭器，人器也。古之人胡為而死其親也？子游問於孔子曰：之死而致死乎？不仁，不可為也。

之死而致生乎？不智，不可為也。凡為明器者，知喪道也。備物而不可用也。是故竹不成用，謂筓也。無

也。緣而瓦不成。滕，滕，壙也。琴瑟張而不平，笙竽備而不和，有鐘磬而無龔簋。龔，龔也。先尹反。簋，其舉反。○其

曰：明器，神明之也。哀哉！死者而用生者之器，不殆而用殉也。殺人以殉，從也。

子游問於孔子曰葬者塗車芻靈自古有之然
今人或有偶人偶人亦也是無益於喪孔子曰為芻靈
者善矣為偶者不仁不殆於用入乎

顏淵之喪既祥顏路饋祥肉於孔子々々自出
而受之入彈琴以散情而後乃食之孔子嘗奉
薦而進祭也其親也慤慤親之奉薦也其行也趨

趨以數言少也已祭子貢問曰夫子之言祭也濟
濟漆之馬威儀也今夫子之祭無濟之漆之何也
孔子曰濟之漆之者容之遠也言賓客疏遠之容也漆之

者自反謂反也容以遠若容以自反夫何神明
之及交必如此則何濟之漆之有及饋樂成
進則燕俎序其禮樂脩其百官於是君子致其
濟々漆之馬夫言豈一端而已哉亦各有所當
也

子路為季氏宰季氏祭逮昏而奠逮昏終日不
足繼以燭雖有強力之容肅敬之心皆倦怠矣
有司跛倚以臨事跛倚也其為不敬也大矣佗日
祭子路與焉室事交于戶堂事當于階贊明而

始行事。晏朝而徹。黃明孔子聞之曰。此以觀之。孰為由也而不知禮。

衛莊公之及國也。改舊制。變宗廟。易朝市。高子畢問於孔子曰。周禮。繹祭於枋。在廟門之西。前朝而後市。今衛君欲其事。一更之。如之何。孔子曰。繹之於庫門內。枋之於東市。朝於西方。失之矣。

季桓子將祭。齊三日。而二日鐘鼓之音不絕。井有問於孔子。曰。孝子之祭也。散齊七日。慎思其事。三日致齋。而一用之。積之也。猶恐其不敬也。而二日伐鼓。何居焉。

公父文伯之母季康子之從祖母康子往焉。則門而與之言曰。皆不踰闕。側門於門之側而與之。言不於外。身不踰闕。門。文伯祭其祖。悼子康子與焉。悼子。文伯之祖。進祖而不受。進。祖。康子。不親授。徹俎而不與燕。與。徹。俎。之後。而不宗老不具。則不繹。繹。祭。文。祭。宗。老。大。夫。家。臣。也。典。祭。祀。及。宗。族。之。事。不。具。不。在。繹。不盡飲。則退。飲。厭。神。不。盡。厭。飲。之。禮。而。去。也。孔子聞之曰。男女之別禮之大經。公父氏之婦動中德。趣度於

禮矣。中禮之度。季康子朝服以縞。曾子問於孔子曰：禮乎？孔子曰：諸侯皮弁以告朔，然服之以視朝。若此禮者也。朝服以縞，曾子也。孔子惡以告朔，卒然後朝服，以視朝。夕服，明不用縞。

後序

孔子家語者皆當時公卿士大夫及七十二弟子之所諮訪交相對問言語也。既而諸弟子各自記其所問焉。與論語孝經並時。弟子取其正實而切事者別出為論語。其餘則都集錄名之曰孔子家語。凡所論辯流判較歸實。自夫子本旨也。屬文下辭往往頗有浮說煩而不要者。亦由七十二子各共叙述首尾加之潤色。其材或有優劣。故使之然也。孔子既沒而微言絕。七十二弟子終而大義乖。六國之世儒道分散。遊說之士各以巧意而為枝葉。唯孟軻荀卿守其所習。當秦昭王時。荀卿入秦。昭王從之。問儒術。荀卿以孔子之語及諸國事七十二弟子之言。凡伯餘篇與之。子由此悉有焉。始皇之世。李斯

伯餘篇與之。子由此悉有焉。始皇之世。李斯

焚書而孔子家語與諸子同列故不見滅高祖克秦悉斂得之皆載於二尺竹簡多有古文字及呂氏專漢取歸藏之其後被誅亡而孔子家語乃散在人間好事者或各以意增損其言故使同是一事而輒異辭孝景皇帝末年募求天下禮書于時京師士大夫皆迭官得呂氏之所傳孔子家語而與諸國事及七十子辭妄相錯雜不可得知以付掌書與曲禮衆篇亂簡合而藏之秘府無封之時吾仕京師竊懼先人之典

辭將遂泯滅於是因諸公卿大夫私以人事慕求其副悉得之乃以事類相次撰集爲四十四篇又有曾子問禮一篇自別屬曾子問故不復錄其諸弟子書所稱引孔子之言者本不存乎家語亦以其已自有所傳也是以皆不取也將來君子不可不鑒

孔安國者字子國孔子十一世孫也孔子生伯魚子思名伋嘗遭困于宋作中庸之書四十七篇以述聖祖之業授弟子孟軻之徒數百

人年六十二而卒。子思生子，上名由，年四十七而卒。自叔梁紇始出妻，及伯魚亦出妻，至子思又出妻，故稱孔氏三世出妻。子上生子家，名傲，後名求，年四十五歲而卒。子家生子直，名楷，年四十六而卒。子直生子高，名穿，亦著儒家語，十二篇，名曰謚言。年五十七而卒。子高生武，字子順，名微，後名斌，為魏文王相，年五十七而卒。子武生子魚，名鮒，及子襄，名騰，及子文，名紉，子魚後名甲，子襄以好經書博學，畏熱法峻急，乃壁

藏其家語，孝經、尚書及論語於夫子之舊堂壁中。子魚為陳王涉博士，太師卒，陳下生元路，一字元生，名育，後名隨。子文生取，字子產，々々後從高祖，以左司馬將軍，佐韓信破楚於垓下，以功封荊侯，年五十三而卒，謚曰夷侯。長子滅嗣，官至太常，次子襄，字子士，後名讓，為孝惠皇帝博士，遷長沙王太傅，年五十七而卒。生季中，名負，年五十七而卒。生武，及子國，々々少學詩於申公，受尚書於伏生，長則博覽經傳，問無常師。

年四十為諫議大夫遷侍中博士天漢後魯恭
王壞夫子故宅得壁中詩書悉以歸子國
乃考論古今文字撰衆師之義為古文論語訓
十一篇孝經傳二篇尚書傳五十八篇皆所得
壁中科斗本也又集錄孔子家語為四十四篇
既成會值巫蠱事寢不施行子國由博士為淮
南太守在官六年以病免年六十卒于家其後
孝成皇帝詔光祿大夫劉向校定衆書都記錄
名古今文書論語別錄子國孫衍為博士尚書

辯之曰臣聞明王不掩人之功大聖不遺人之
善所以能其明聖也陛下發明詔諮群儒集其
天下書籍無言不悉命通才大夫校定其義使
遐載之文以有著於今日立言之士垂於不朽
此則蹈明王之軌遵太聖之風者也雖唐帝之
煥然周王之或々未若斯之極也故述作之士
莫不樂測大倫焉臣祖故臨淮太守安國建仕
於孝武皇帝之世以經學為名以儒雅為官讚
明道義見稱前朝時魯恭王壞孔子故宅得古

文科斗尚書考經論語世人莫有能言者安國
為之今文讀而訓傳其義又撰次孔子家語既
畢訖會值巫蠱事起遂各廢不行于時然其典
雅正實與世所傳者不可同日而論也光祿大
夫向以其為時所未施之故尚書則不記於別
錄論語則不使名家也臣竊惜之且百家章句
無不畢記况孔子家古文正實而疑之哉又戴
聖皆近世小儒以曲禮不足而乃取孔子家語
雜亂者及子思孟軻荀卿之書以裨益之揔名

曰禮記今向見其已在禮記者則便除家語之
本篇是為滅其原而存其末也不亦難乎臣之
愚以為宜如此為例皆記錄別見故敢昧冒以
聞奏上

天子許之未即論定而遇帝崩向又病亡遂不
果立

孔子家語卷第十

寬永十五^{戊寅}仲秋吉日

二条通觀音町風月宗智刊行

